

Комсомолонь Вайгяль

ЛИСЕНЬДИ III-це КИЗОСЬ

Мокиэрзянь ВЛКСМ-нь

обкомть и Саранскаень

горкомть газетасна

Адрессь: г. Саранск, ул. Ленина 9

Телефон № 1-72.

28

МАРТСТА

1936 КИЗОНЯ

36 (282) №

Лисеньди квати 12-ксть

Комсомолкатьненень, комсомолецненень и аф союзнай од ломатътненень йоткса сьормас аф содамать и сьормас кржа содамать машфтомаса мератьненень колга

ВЛКСМ-нь областной IV-це конференциять путфнсоц Радионов
ялгать докладонц коряс

Конференциясь лувонцы, што ВЛКСМ-нь областной комитетсь йофси аф сатомшка работась комсомолецненень, комсомолкатьненень и аф союзнай од ломатътненень йоткса сьормас аф содамать и сьормас кржа содамать машфтоманц и 1935 1936 це тонафнема кизоня сембе комсомолецненень содама шиснон 4 кизонь образованиянь уровеньти пачфтеманц колга правительствать, ВЛКСМ-нь обкомть IV-це пленумонц и стирьнянь и од авань республиканскый в-сенце конференциять решенияснон пашкодемаснон лангса.

Тя кемекснени сян мархта, што тячиень шить самс республикаса сьормас аф содай од ломаньда 14 кизоста сямомок 30 модемс лувондови 34 482 ломатть, конатненень эзда анычек 48 процентсь фатяф тонафнемаса.

Тянь ланкс ваномок конференциясь путнесы:

1. ВЛКСМ-нь областной комитетть од составонцы и сембе райкомтнененьди сьормас афсодамать и сьормас кржа содамать машфтомаса эсь работасна эр-ви мольфтемс рабочей классть культурно-технической уровеньти инженерно-технической работникненень уровеньти пачфтемаснон колга Стахановецненень сембесоюзонь васенце совещаниясост Сталин ялгать указаниязон коряс.

2. Обкомть и райкомтнененьди ОНО тьненень мархта марса эр-ви маластонь пингть лувомс сембе сьормас аф содай и сьормас кржа содай комсомолецненень, комсомолкатьненень и аф союзнай од ломатътненень и 1936 кизонь апрельть аф васенце шидонза поздна организовандамс мархтост тонафнема лувомок кажнайть башка аноклаф шинц.

3. Конференциясь осуждандакшнесыне башка ликпунктненень работань практикаснон, конат кизоста-кизос тапайхть фкя вастса, лиякс мярьгомс эрь кизоня тонафнихть саяка ломатътненень эса саяка жа группаса, кода мяргоньдихть, ликпунктса.

Конференциясь осуждандакшне сытя вреднай практикать и мярьгоньди комсомольскый организациятнененьди организовандамс тонафнемать станя, штоба тонафнихне кизоста-кизос кепселезь эсь содама шиснон и йотафневольхть низшай группаста высшай группас.

4. Конференциясь мярьгоньди обкомть од составонцы путомс кизефкс МАССР-нь Наркомпрость инголи сьормас афсодаень и сьормас кржа содаень школатненень рсдной кялса сьормадф учебникса и нагляднай пособияса, методической руководстваса и

тонафнемс нормальной условиянь максомаса обеспечендамаснон колга.

5. Конференциясь мярьгоньди обкомти и райкомтнененьди дополнительно явоштомс аф 1.000-да кржа инь цебяр грамотнай комсомолецт культармеецекс. Нолдамс культармеецненень нюрхкяня пингонь курсонь семинаронь пачк, кода обеспечендамс синь эр-ви методической руководстваса и максомс элементарнай содама ши педагогической работать колга.

6. ОНО нь оргаттненень вельде обеспечендамс культармеецненень кустова и райцентрав систематическойста пуропнемаснон, сянкса, штоба тоса синь полафнелхть фкя фкянь мархта работамань опытса и максомс синь работаснонды методической и практической лезкс.

7. Тяря-аватненень йоткса сьормас афсодамать и сьормас кржа содамать машфтоманц инкса явоштомс комсомолецт культармеецт синь кудса тонафнемост, максомок теест эр-ви условият.

8. Обеспечендамс сьормас аф содаень и сьормас кржа содаень сембе школатнененьди „Одс ушеды лувихнененьди“ „Крестьянскый газетань“ сьорматфтомать и практиковандамс беседань йотафнема партиять и правительствать важнейшай решенияснон азондомаса (разъясненияса) школатненень эса газетань и художественнай литературань лувондома.

9. Мярьгомс обкомти, райкомтнененьди и сембе первичнай организациятнененьди мартть 1-це шистонза сямомок 15-це шини самс йотафтомс „легкай кавалериянь“ рейд сьормас аф содамать и сьормас кржа содамать машфтомаса работать состояниязон ванондоманц инкса, таргсемок рейдть йотафтомонза культармеецненень, школьной работникненень. Рейдсь доложен лифтемс лангу сьормас афсодамать и сьормас кржа содамать машфтома работаса сембе афсатыксненень и райкомтненень и РОНО-тненень лезкснон мархта машфтомс синь.

10. Лисеньдемек ВЛКСМ-нь ЦК-ть указаниязон эзда, эр-ви одукс тиёмс средняй образованиянь и технической образованиянь школатненень, васень очердьстакига таргсемок эзост комсомолецненень и стахановец од ломатътненень и подросткатненень, конат кодама либо туфталонь сюнеда аярдсть школаса тонафнемать эзда.



Саранскаень идеянь технической станциянь сембеда цебяр авиомодельстерь Кляч Витясь комсомолонь 10 це с'ездть лемс пуропневи авиомодельонь всесоюзнай выставкати анокласть лисеньди модель „Биплан“.

СНИМКАСА: Витясь нолясы модельонц лиема.

ВЛКСМ-нь уставть проектоц ванондови формальнайста

Торбеевань ВЛКСМ-нь райкомсь (секретарьсь Дунык ялгась) ашезе шарьхколь тя документть вельф оцю политической важностенц, а тяфта жа аф лувондсы обязательнаенди йотафтомс эр-вс февральть 21 шистонза лифтьф ВЛКСМ-нь обкомть бюронць решениянц, кода азф: „Путомс обязанность сембе райкомтненень и первичнай комсомольскый организациятненень лангс штоба организовандамс ВЛКСМ-нь уставть проектоц колга обсужденият. Штоба сонь колганза содаль эрь комсомолецт“.

Торбеевань р-нца мартть 20-це шинцты самс тя решениять ушедсть эр-вс йотафнемонза анычек 30-40 организациява и сятка йотафнесазь формальна.

Райкомонь работникне афсатомшка якасть первичнай организациятнененьди, райактивсь апак мобилизовандак лезксонь максома проекть обсуждениязон колга.

Кепотьксоньди сяфтяма тяфтама факт: Атюрьевскый НСШ-нь первичнай комсомольскый организацияса комсоргсь Кшнякин путсь комсомольскый пуромксса ки зефкс уставть проектоц обсуждениязон колга решениясост сьормадф: „1. Кулхцондоскк васенце кизефксть колга, кода докладчик уставть проектоц ванондоманц колга. Путозь: примамс уставть целай-

ста и проработандамс сонь эрь комсомолецт“. Вов и семби решенияське. Тяда башка пуромксти кодамовок аноклама ашель, проекть колга кизефкссь-изь сотнев организациять конкретнай работани мархта.

Мзярда ульсь максф кизефкс: „мес калафнесасть обкомть и райкомть установкаснон“, Кшнякин отвечась: „Моньдинь райкомть ширьде ашельхть кодамовок установкат, и кда афолень получа сьорма обкомонь тонафни од ломанень отделить заведующаенц Симдяшкин ялгать эзда, то мон тя пингс тя кизефксть пуромкссонга афолине пута, мон тянь колга мезевок изень сода.“

Савьинскый комсомольскый организацияса пуромксть йотафнезе РК-нь бюронь членц Егоров ялгать, тяфта жа пуромксть колга и сонь шинь повестканц колга комсомолецне мезевок исть сода сяс и пуромксссь йотась йофси аф активнайста. И нинге можналь няфтемс лама тяфтама факт а, кода ВЛКСМ-нь уставть проектоц обсуждениязон йотафневсь эсь отям, проекти кодамовок добавленият, али измененият апак максти ст. тов.

Райкомса тя кизефксть модемани колга кодамовок итогт тя пингс аш.

Чуликов.

Парижскый Коммунарь шиц махорочнай фабрикаса

Йотафтомок Парижскый Коммунарь 65 кизонц, Саранскый махорочнай фабрикань рабочайхне йотафть мартть 17 шистонза собрание, кода ульсь доклад Коммунарь значениязон колга.

Илять мартть 18 шистонза рабочай драмкружоксь тийсь клубса постановка, конань эзда средстватненень максозь МОПР-ань работать

кемокстаманцты. Рабочай клубса тийф М О П Р-а нь у ж е н я, кода улихть плакатт, мопротской библиотека и ст. тов.

Мартть 18 шистонза ульсь йотафть идеянь утренник, кода пионерхне и рабочайхненень идьсна кулхцондсть беседа Парижскый коммунарьненень героической тюремаснон колга.

Гараев.

Шастенэ. Кода позиция советской правительствать тяниень международнай кризистъ эса? Аф лувонцы ли сон, што Рейнтъ кержи беряконц военной реокупацияц (войскаса занямац), максемок возможность Германияти строямс укрепленияхъ линияхъ французской границать кувалмос, кирди, васендакига, цель максомс Германияти оцю свобода Востока наступленияхъ?

Молотов. Рейнской областъ ремилитаризацияц (войскаса занямац) несомненна вишкптезе угрозы сят странатеньди, конат ацихъ Германиять эзда восток шири, и, сембеда пях, СССР-ти. Аф няемс тянь улель ба аф правильна. Сембе (сяка германской войскактень Рейнской области йотафтомасна, кона (Рейнской областъ—Ред.) пограничной Франциять и Бельгиять мархта, и франко-бельгийской границатень кувалмос укрепленияхъ тиемась, кона нарушандакшнесыне известнай международнай договорхъненди, тиемъди угроза васендакига западной соседтеньди Францияти и Бельгияти. Тянь коряс тейнек шарьхкотъф особай беспокойствась Францияса и Бельгияса.

Шастенэ. Сяс мес тянь эзда яснейста лисеньди, што Советской Союзъ и Франциять интересна тяниень международнай кризистъ эса известнай степенца фкат, лисеньди кизефкс сян колга, кода действовандамс тя кризистъ инголе и кодама сон колганза советской правительствать позицияц?

Молотов. Тинь кизефксонть каршес ответонди мон могу сослаться тяниень газетатень эса печатлаф Литвинов ялгать реченц ланкс, конань корхтазе Лондонца. Сон йорай яркай свет советской правительствать политикац ланкс тяниень международнай положенийа колга и валдопнесы тя положенийа целайнек, конац освобождает монь тя темать подробнай развитияц эзда.

Шастенэ. Ся случайста, кда-ба Германиясь тиедь нападение западса и ся случайста, кда-ба Польшась лядолъ нейтральнакс, кодама лезкс мог ба СССР съ практически максомс Францияти? Кизефксъ кирьди афламода стратегической характер. Кода няеви, СССР-ть ширде лезкс означанда ба лезкс Румыниять и Чехословакиять ланга. Однако, Польшать нейтралитетонъ значительнай степенца трудналгофтелезе ба СССР-ть действияц. Кода ба практически улель максф советской лезксы Францияти?

Молотов. Сян инкса, штоба отвечаем тя кизефксъ каршес, эрволь ба содамс ся конкретнай обстановкась, конань эса саволь ба сон решандамс. Сембе лезксы, кона кармай эрвома Францияти кда сон лангозонза вргяти кодамовок европейской государства, поскольку сон лисенди франко-советской договоръ эзда, конац аф кирьни тянь колга кодамовок ограниченияхъ, Францияти улельба максф Советской Союзъ ширде. Лезкс улель ба максф тя договоръ коряс и целайнек политической обстановкаты коряс.

Шастенэ. Лувонцы ли советской правительствась возможнайкс польско-советской отношениятень цебарьгофтомаснон, и положительнай случайста, коданя сон лувонцы возможнайкс йотафтомс эряфс тя цебарьгофтомать?

Желательно, штоба Польшась ацель Франциять и Советской Союзъ ширесост. Тя отвечалъ ба и Польшать сонъценъ подлиннай интересонзондынга. Советско-польской отношениятень тяниень состояниосот, однако, ули возможность сянъди, што Польшась заняй нейтралитетонъ позиция. Аф лувонцы-ли СНК-нь председателъсь желательнайкс мумс кит (пути) советско-польской отношениятень цебарьгофтомаснонды?

Молотов. Советской правительствась лувонцы советско-польской отношениятень цебарьгофтомаснон и желательнайкс и возможнайкс. Китьненъ эзда фкя кикс тяньди улель предложеннай мелямба Восточнай пактсь, конанди Польшась могабы сувамс.

Шастенэ. Кой-кона полякне корхнихъ (утверждают)—мон корхтаса тянь аф эсь лемстон, а просто азонкшнеса сян мезе мон кулень,—што коммунистической пропагандась Польшаса, кона фкя пингоня прокс лоткесъ, ушедъ од вийса 1935-це кизотъ кучка пинкстонза. Кда тя тяфта, то аш кода-ли тяряфто сатомс сон лоткафтоманц,

кода средства советско-польской отношениятень цебарьгофтомаснонды?

Молотов. Польшаса коммунистической пропагандать мольфтеманц колга монь даннайне аш, конатненъ тинь няфтесть, да и вообще тя кизефксъ теень арам искусственной и шьерде таргаф сят некоторой полякненъ мархта, конат теень корхтась тяфтама слухненъ колга.

Шастенэ. Мон ащень Польшаса 4 шит и сянъ тяфтама заключенияхъ, што Польшаса влиятельнай ломатьне лувонцазъ, што Польшать общайхъ интересонза СССР-ть мархта и, што кафцьке ширетненъ явфнесазъ (разделяют) аныцек сангиментальной и исторической характеронъ кизефксне.

Молотов. Советской Союзъ решительнайста пугсь пе царизманъ империалистической и угнетательской тенденциятеньди. Минь противниктама фсякай национальной угнетениятеньди и няфтесть (доказали) тянь тевса кода эсь внутренняй, станя и эсь внешняй политикакхонъ мархта. Тянь мархта определяндакшневи и минь отношениянке народтень, вчастности, Польшать исторической прошлайснонды. Улель ба Польшанъ деятельхень Европаса мирть кемекстаманцы виде-конъ стремлениясна, конанъ мархта польской народъ безусловна пях заинтересован, эста мувольхъ ба сатомшка возможность польско-советской отношениятень цебарьгофтомаснонды.

Шастенэ. Тяниень пингтъ Советской Союзса уликс сембе направлениятне ли лувонцазъ фкакс аф возможнайкс тяниень условиятень эса Германиять Советской Союзъ мархта сближенияхъ? Мон кирьдя мьяльсон сведенияхъненъ сян колга, што Рейхсверса улихъ группат, конат чисто политической соображенияхъ коряс ацихъ Советской Союзъ мархта сближенияхъ инкса. Улихъ ли аналогичнай встречнай тенденцияц СССР-са?

Молотов. Советской ломатьтень определенной пяхкснон йоткса ули направления, кона относится тяниень правящей Германияти совершеннай непримиримостьса, сембедонга пях германской правительхъненъ Советской Союзъ каршес коль од враждебнай выступленияхъ мархта. Однако, главнай направленияхъ, кона определяндакшнесы советской властью политикац, лувонцы возможнаеньди Германиять и СССР-ть йоткса отношениятень цебарьгофтомаснон. Содаф (разумеется) што тяньди могут улеме разнай кит. Фкя инъ цебарьсь—Германиять Лига Нацияхъ сувамац, однако, стама условияса штоба Германиясь тевса няфтелезе международнай договорхъненди эсь уваженияхъ, штоба сон тевса няфтелезе, што сон кармай ванфнемост (соблюдать) эсь международнай обязательствахъ Европаса мирть виде-конъ интересонзон и всеобщай мирть интересонзон коряс. Ня условиятень пяхкодезь Лига Нацияхъ Германиять участия улель ба мирть интересонзон инкса и васьфтель ба минь ширьденонъ положительнай отношения.

Шастенэ. Нльне гитлеровской Германиять?

Молотов. Да, нльне гитлеровской Германиять.

Шастенэ. Кода ваны (относится) советской правительствась франко-германской сближенияхъ возможность лангс? Кда улель тийф тяфтама сближенияхъ ваношь ли сон тянь лангс благожелательнайста?

Молотов. Тейнек содаф мирть ванфтоманцы Франциять сремленияхъ. Кда германской правительствась тяфта жа тевса няфтелезе ба мирти эсь стремленияхъ и договорхъненди уваженияхъ, вчастности, няфтелезе (показала) ба тянь Лига Нацияти отношенияса, то мирть интересонзон ареляманъ тя базать лангса минь луволескъ ба франко-германской сближенияхъ желательнайкс.

Шастенэ. Кода мекольденъ японской кризиста и Сталин господинтъ интерюдонза меле советской правительствась представляндакшнесыне эстиенза Япониять мархта эсь отношенияхъ маластонъ будуйайснон?

Молотов. Мекольденъ пингтъ советско-японской отношениятень афламода цебарьгофтомаса признакт. Тя няфтезе эсь прянц Иностраннай Тевонъ Народнай Комиссарть Заместителенц Стомоныков ялгать японияхъ Потолъ Ота господинтъ мархта аф кунардонъ переговорионзон эса. Ня беседат

ненъ содержаниясна опубликовандаф. Переговорхъне нинге апак аделакт, но советско-японской отношениятень цебарьгофтомаснонды возможность улихъ.

Шастенэ. Лувонцы ли СНК-ть председателъ, што Сталин господинтъ заявленияда меле улель од признакт японшенъ внешняй Монголияхъ каршес выступандама намеренияснонды?

Молотов. Тя направленияса од факт аш.

Шастенэ. Кода, советской правительствать мяленц коряс. Франциясь могла ба тяниень пингтъ сембеда полезнай образса сотрудничать сон мархтонза военнай приготвленияхъ тевса (областьса)? Мон кирьдя мьяльсон кизефксъ сян колга, должно ли тя сотрудничествась модемс генеральной штабтень йоткса контактонъ формаса али жа должна модемс корхтама Франциять мархта Советской Союзъ военной материалонъ усксматы колга?

Молотов. Кизефксъ веши специальной изучение. Тянь мархта саволь ба занягъса военной специалисттеньди.

Шастенэ. Мон йоранъ ба максомс тяка жа кизефксъ промышленностень областьса. Арьскешни ли Советской правительствась тяниень пингтъ тиемс заказт французской промышленности и кодапт именна?

Молотов. Торговой соглашенияхъ, конац подписаннай 1936-це кизонъ январьтхъ васень шинзон эзда, минь ширьденк ули марнек пяхкодьф. Минь зааконокъ солсифт, главным образом, металлонъ, машино-строенияхъ, химияхъ и промышленностень кой кодама лия отрасляхъ продуктанъ рамсматы мархта. Минь общай импортохъне мекольденъ пингтъ няфни касоманъди тенденцияц. Кда Францияса технической и финансовой условияхъ улихъ аф сяда кальдаф, чем лия странатень эса, то Францияса закасненъ касомасна возможна.

Шастенэ. Позволит ли Советской Союзъ экономической планонзон пяхкодемасна (осуществлениясна) импортировандакшнемс ингольпяти кода корхнихъ „парижской изделия“, лиякс азомс украшенияхъ предметонъ, коженнай и шелковой изделияхъ и кода корхнихъ „полу роскошень“ лия предметонъ областьса парижской промышленностень продуктат?

Молотов. Минь миньць развивандакшнесасък тяни промышленностень тяфтама отрасляхъненъ, но известнай пределса апак исключандак, кода корхнихъ парижской изделияхъ усксемысь.

Шастенэ. Лувонцы ли советской правительствась, што омбоце пятилетканъ плантъ пяхкодемац позволит маластонъ пингтъ йотафтомс внутренняй питнетень значительнъ кирьфтамаснон? Кодама может улеме тя кирьфтамасъ?

Молотов. Да, лувонцы. Советской правительствась кемоста надъай (уверено), што омбоце пятилетканъ плантъ пяхкодемац обеспечендасы внутренняй питнетень значительнайста кирьфтамаснон. Могу нинге прибавамс, што омбоце пятилетканъ плантъ пяхкодемац моли аф сяда валом, чем васенъ цетъ пяхкодемац. Тинь кизефнетяда, кодама кармай улема тя кирьфтамасъ. Мон арьсян, што внуренняй питнетень кирьфтамасна должен сатомс несколько кемотъ процент.

Шастенэ. Кода мон шарьхкоца, тя не означает работама питнетъ кирьфтаманъ, а означает работама питнетъ покупательнай способностенц касфтоманъ вельде реальной работама питнетъ касфтоманъ?

Молотов. Тя виде.

Шастенэ. Ульсь ли шарффт советской правительствать мялец материалнай положенийахъ сят трудностнень ланкс, конат лисендихъ Союзъ эса эрай иностранецненди, мекольденъ финансовой реформатненъ и, сембеда пях, Торгсинтъ сьолгомани сюнеда?

Молотов. Советской правительствати тя кизефксъ, конечно, содаф. Но тяфтама трудностне кирдихъ скоропременнохарактер.

Шастенэ. Конституциять демократизацияхъ мархта,—правда демократизацияхъ валтъ аф западнай смысласонза—конанц проектонзон колга сьормадчнефоль ни (сообщалось), мон йоранъ ба кизефтемс кодама видоизмененияхъ улихъ суваффт Советской конституцияти? В частности, кармай ли тя означать, што

ать беседац французской „Тан“ газетать главнай э господинтть мархта

онза 1936-це кизоня

низшай оргаттнень населенянь мархта, а высшай оргаттнень низшайхнень мархта выборонь тяниень удикс пирамидообразнай системась полафтови прямой представительствань системасы? Ули ли тяфта жа полаффт тяконь шовор Советской Союзнть федеральной структурац, али жа республикатнень и национальной областятнень существованясна аф кармай токсовома конституциять реформанц мархта?

Молотов. Комиссиять работанзон эса, конат должет аделавомс тядень кизоть и конатнень мархта руководит тя комиссиять председателец Сталин ялгась, тевсь моли СССР са видеконь всеобщай, видеконь прямой, видеконь равнай и тайнай избирательнай прават эряфс йотафтоманц колга, конань мархта аф кармайтть пользовандама аныцек сят ломатъне, конат лишенайтть избирательнай правда судонь приговорса. Тя избирательнай прават коряс кармайтть кочксовома властенъ и местнай оргаттневок и центральной органиця—общенароднай представительствасы.

Минь сембе ограслятнень эса тийф социалистической хозяйства, сяконь мархта сязьфт класснень основасна и тийфтусловият классфтома социалистической обществати. Тяни од конституцияса улихть машффт рабочайхнень и крестьянтнень йоткса избирательнай праватнень эса неравенствань лиятксне, и марса сяконь мархта избирательнай права ули максф населенянтъ сембе группатненьди, сувафнемок и сят граждаттнень, конат инголи лувондовсть (принаплекжали) буржуазнай слойхненьди, а тяни работайхть предприятиява, колхозга и государственнай и кооперативнай учреждениява али кода частнай кустарьхть и ст. тов. Сяда демократической избирательнай права, кода ся, конац ули ладяф минь конституциянкень мархта, фкявок старанаса аш.

Республикатнень и национальной областятнень существованяснон конституциять реформац аф токасыне.

Шастенэ. Нолятада ли тинь пуроптомс лия партия?

Молотов. Тя кизефксь СССР-са аф актуальной сяс мес миньцонок тевсь йофси малати нежедьсь сят эсь йотковаст тюри класснень скрось (полнайста) машфтомаснонды, конатнень интереснон выражают партиятне.

Шастенэ. Тейнь арам, што лия партиятне могли ба возникнуть и классовой тюремафтомовок, даже соньценъ коммунистической партиять потмоса уликс различной тенденциятнень мархта. Кода кепетькс сяньди, мезе монь ули мялсон (имею в виду), мон лятфгаса русской социал-демократической партиять большевикова и меньшевикова явоманц. Кда ба тяфта жа тиеволь од партия, кадолъхе ли сонь эряма советской правительствасы?

Молотов. Кда корхтамс партиять расколонтъ возможность колга, то кда Шастенэ господинъ (ознакомится) мекпальденъ кизотънень эзда минь партиясонок положенянь мархта, соньдиенза ули кода шарьхкодемс (установить) сянь: партияса ульсь эсь пиньгстонза острый тюрема и тиендевьт попытка тиемс особай фракцияц, конат вятихть од партиянь тиемати, но вов ни несколько кизот, кода тянь колга положеняньс юрнек полафтовсь и коммунистической партиясь действительна единая. Тяни тя ули кода азомс ламода сяда пяк, чем мзярда ба ся изь уль йотай пиньгть.

Шастенэ. Поскольку советской правительствать ули мялец (имеет в виду) келептемс выборонь базать и кармай улема (допускает наличие) известнай оппозиция, аф кирьди ли сон мяль и аф ламода (известно) лафчептемс

административнай мератнень, афламода лафчептемс диктатурать?

Молотов. Сембе минь внутренняй обстановканьке корхтай сян инкса, што тяни ни афшуроста аш необходимость сят административнай мератненьди конат йотафневсть инголи.

Но советской властти, шарьхкодеви, эряви улемс виюкс и последовательнайкс террористнень и общественной собственностень срафтыхнень и синь сообщникснон каршес тюремаса. Вийхне, конат молихть сонь каршезонза коль сяда лафчемкшнихть, но койкона случайхнень эзда именна сяс синь кярмодькшнихть крайняй мератненьди, конац веши соответствующай контр-мерат советской правительствать ширьде. Однако, сембеда главнайсь ащи сян эса, што советской властсь нежедькшни тяни ошса рабочайхнень и служащайхнень и велеса крестьянтнень кели лезкснон лангс и минь конституциянкень реформац, конац сувафни инь лама (максимум) демократизма, корхтай советской властть тя лезксти кемя уверенностенц колга.

Шастенэ. Арьси ли конситуциять реформань проектоц сувафтомс сянь, конанцты минь мярьгихть ответственной министерствасы?

Молотов. Народнай Комиссаронь Советсь, кода тинь содасастъ, ащи выборнай органоц и марнек ответственной Центральной Исполнительнай Комитетт инголе. Конституциять реформадонза меле минь правительстваньке кармай улема кода и инголи выборнайкс и марнек ответственнойкс Советской Союзть народнай представительстванц инголе, конац кочкаф всеобщай, прямой, тайнай и равнай избирательнай правать основаса.

Сьормадозе А. Ф. Нейман.

Молотов ялгать мархта Шастенэ господинтть беседаснон ланкс иностранный печатень откликне

ФРАНЦИЯСА

Париж, мартъ 24-це шистонза. „Тан“ газетасы печатласы Молотов ялгать мархта тя газетать главнай редакторонц Шастенэ беседанц. Тя беседать изложенианцты Шастенэсь максси краткай даннайхть Молотов ялгать колга, сонь биографиянц, а тяфтажа даннайхть сонь революционнай кинц колга.

Молотов ялгать беседанц содержаниянц печатлакшнесазъ Парижень сембе виднейшай газетатне: „Эрнувельсь“, „Эврсь“, „Пти паризьенц“, „Одрсь“, „Юманитесь“ и лият. Редакционнай замечаниятнень и заголовкатнень эса газетатне подчеркивают Молотов ялгать заявлениязон важнай значенияснон, конатнень сон тиезень тя беседаса, а тяфтажа няфнесазъ (отмечают) четкостть и ясностть, конатнень мархта Молотов ялгать няфнесы Советской Союзть оли тиканц.

ЧЕХОСЛОВАКИЯСА

Прага, мартъ 24-це шистонза. Сембе чехословацкай газетатне печатлакшнесазъ няеме вастс Молотов ялгать мархта „Тан“ газетать главнай редакторонц Шастенэ беседаснон колга сообщенянь. Газетатне печатлакшнесазъ тя сообщенянь крупнай заголовкань алу: „Москусь кемоста ащи мирть политиканц инкса“, „Молотовъ замечательнай заявлениац советско-польской отношениятнень цебяргофтомаснон инкса возможностьтнень колга“, „СССР сь Германиять Лига Нацияс суваман инкса, однако мекольчесь должен няфтемс, што сон уважандакшнесыне международнай договорхнень“, и ст. т.

ПОЛЬШАСА

Варшава. „Курьер варшавски“ парижскай корреспондентсь Молотовъ „ТАН“-тть главнай редакторонц Шастенэ господинтть мархта беседанц колга корхтамс, сембеда пяк няфнесы Молотов ялгать корхтаманц сян колга, што кда Франциять лангс врыгати европейскай государства, то Советской Союзсь макссы Франциять лезкс, конац лисеньди франко-советской договорть эзда. Газетасы тяка пиньгть азондсы, што тя ули тийф аф ваномок сян лангс, кодама позиция заняй Польшасы.

Сяка пиньгть корреспондентсь

азондсы Молотов ялгать мяленц (мнениянц) Польшать восточнай пактть проектонцты шовордаманц вельде польско-советской отношениятнень цебяргофтомаснонды возможность колга. Тянь азондонза корреспондентсь шарфни мяль сян лангс, што „Совнаркомъ председателец Молотовсь васеньцеда максси интервью иностранный прессань представительти.“

Лияды польскай газетатне йофси апак каштордт йотнесазъ Молотов ялгать Шастенэ мархта беседанц.

БОЛГАРИЯСА

София. Болгариянь сембе шовдавань газетатне няеви вастса пачатласть сообщеня Молотов ялгать „Тантть“ главнай редакторонц Шастенэ господинтть мархта беседанц колга.

Газетатне комментарияфтома пачатласть беседать сят вастонзон, конатнень эса Молотов ялгась корхтай Советской Союзть мирнай политиканц колга, Германиять и Польшати СССР-ть отношениянц томанц колга.

ЯПОНИЯСА

Токио. „Йомиури“ и „Асахи“ газетатнень иляденъ изданиясна няеви вастса пачатласть Молотов ялгать „Тантть“ главнай редакторонц Шастенэ господинтть мархта беседанц эзда ся вастть (часть), конань эса корхтали советско-японской отношениятнень колга. Тяфта жа кафцьке газетатне пачатласть Молотов ялгать портретонц.

Беседать эзда выдержкатне


пачатлафт комментарияфтома. „Йомиури“ газетасы беседать пачатлазе тяфтама заголовка ала: „Советско-японской отношениятнень эса цебяргодомань признак. Апак решандак проблематнень ладямаснон колга переговорхне улихть успешнайхть“. „Асахи“ газетать заголовкац: „Молотов азондсы, што советско-японской отношениятне цебяргодыхть“.

Литвинов ялгать Лондонца тумач

Мартъ 26-це шиста Литвинов ялгась тусь Лондонца Парижу.

Вакзалса Литвинов ялгать ильхтезь Англиянь лия масторонь тевень вети министрствань представительсь и Лондонса Советской колониянь лама представительть.

РЕЙНСКАЯ ЗОНАТЬ РЕМИЛИТАРИЗАЦИЯЦ



РЕЙНСКАЯ ЗОНАТЬ РЕМИЛИТАРИЗАЦИЯЦ.

СНИМКАСА: Коблоньева Вельгельм 1 памятникъ инголе германской селдатовъ отрядсь.

Тоса, коса мезевок ашесть тиеньде

Мекпальден кафта кизотнень эзда Шайгавонь районца точнай-ста аф лулови мзяра секретарь ульсь комсомолонь райкомса. Эр секретарь ладсезень эсь порядканзон. Минь лувихненьди лятф тасась мекпальден валхтф секретарь—Соловыхть, конац сембедонга пяк няфтезе соньцен офтонь заботанц комсомольской хозяйствать лаляманды. Васендакига эрви азомс Соловыхонь методоц статотчетонь тиёмста. Кда аделавкшнесь кварталсь, Соловыхть тевонь вятити макссесь распоряжение.

— Тя ковть статотчету сьормадт сяда пале мархта комсомолеста сяда лама, мзяра ульсь йотай кварталста. А кда тевонь вятись кизефцы Соловыхть мзяра та кварталста статотчетти сьормадомс комсомолеста, эста секретарь ушеды рахсема.

— Ну кодама тон афшарьхкодят, сьавк йотай кварталонь статотчетть и ся цифрат лангс прибавак 150 комсомолецт и вов тя итогсь ули цифракс од статотчетти.

Услуживай тевонь вятись Власовась Соловыхть установканзон вельде тиеньдезе статотчетть, а Соловыхть нльне апак ватт сьормадкшнеше эсь подписенц статотчетти.

Тяфта Соловыхсь определяндакшнеше фкя-каф та валса Шайгавонь районнай комсомольской организацинть лувксонц, тяфта весть перань йотафтозъ васькафнеше комсомолонь обкомть.

Тяка йоткова эрви афлама азомс тевонь вятить—Власовать колганга. Власовась отчетно-перевыборнай кампаниянть пиньгста паньф комсомолста, кода классово-чуждай элемент, конац кяшендезе эсь социальной положенианц, а тя ломаньц работась Соловыхть мархта фкя комитетса и Соловыхсь ашезе сода, кие тя ломаньц. И тянь эзда няеви, кодама Соловыхть классово-политической бдительностен.

Мрдатама меки комсомольской хозяйствати. Мзярда аделавсь 1935 кизось, то кизонь отчетса Соловыхсь сьормадсь, што комсомолеста районца 690, а перевыборхнень пиньгста лувондовсь йсфикс лия лувкс—378 комсомолецт, разничась аныцек 318 ломаньца.

Коста сьавось тя разничась? Ушедикса ни азондф, што статотчетть тиёмста Соловыхсь цифрат сьавоньц поталакта, а омбоцсь ся, што Соловыхсь сембе эсь работанц пиньгста нльне ашезь арьсекшне варжакстомс комсомольской хозяйствать шири.

Соньдеенза тевонь вятись сире статотчетть коряс тиенкшнесь статотчет, а Соловыхсь апак проверендак путнеше подписенц.

Лама комсомолец ульсь панф

комсомолста, лама тушендсть лия ошу работама, эряма, тонафнема. Соловыхсь синь учета ашезень валхне и личной карточкасон туй комсомолестнень ашезень макссе Сембень карточкасна илядкшнесть райкомонь шкафу и синь кварталста-квартилс лувондовсть кода тязкот.

Кда хоть аф ламода Соловыхсь шарфнелъ мьял комсомольской хозяйствать ладяманц шири, то тяфтама безобразият сире Теризморгань первичнай организацияса афольхть уль. Соловыхсь тьса лувондсь 29 комсомолецт, а фактически тоса аныцек 12. Кда няеви аф сатнихть 17, конат тушендсть ни организацияста 2—3 кизотни кода йотась.

Летке велеса Шурыгинь, В. Дуденковсь, Кулагинь, А. Каштановсь. В. Шурыгинь кафта—колма кизотни, кода ашет организацияса; Шурыгинь паньф комсомолстонга, Дуденковсь паньф комсомолста и судендаф 5 кизос, а Соловыхсь синь лувондозень комсомолестекс.

Тяда башка комсомолестнень А. Захаровть, С. Черновть, Кирюшкинтъ аш личной карточкасна и афаваномк сян лангс, што синь ламоксть тянь колга корхтась, Соловыхсь мерат изь прима.

Соловыхсь отчетно-перевыборнай кампаниянть пиньгста валхтф работаста, но тя кржа. Сон эрви комсомолстонга валхтомс и таргамс ответс безобразиянень инкса.

Эрви азомс од составть нола шинц колганга. Тя расхлябанность нолаф нинге отчетно-перевыборнай кампаниянть пиньгста и аныцек мартть васеньце шистонза райкомонь бюрось лифтьсь путфкс комсомольской хозяйствать лаляманд колга, коса ульсь азф, што мартть 15-це шиньц эрви ладямс комсомольской хозяйствась, а тя путфксть пашькодемоза кярьмодьсть аныцек мартть 18-це шинь эзда.

Тяни райкомсь (секретарь Фенинц), явозе сембе районть кустова, конатнень эзга кемоктась представителхть, конат вастова проверакшнесазь первичнай организацинень членцон и сяка пиньгть вешеньдсазь велеста туф комсомолестнень адрезсон. Тя работать тиёмда меле райкомти ули кода корхтамс организацияста туф комсомолестнень колга. Тяконь йоткова райкомсь кармай сформляндакшнема личной карточкат сят комсомолестненьди, конатнень мяктя пингс ашельхть мес-бди корточкасна.

Шайговань райкомсь март ковста тя задачат пашькодсь, но тя путни урок ингольден работати, и тя уроксь эрви лувомс.

Гронт.

Тя шить мон мзярдонга аф юкстаса

Этери Гванцеладзе пионеркаты рассказоц

Мон пионеркан. Тейне 15 кизот. Эрян Тифлисса, тонафнян 3-це грузинской трудовой школы. Тонафнян сембе предметнень эса на „отлично“. Тяда башка работан пионеротрядса звенань вожатайкс.

Кда тонафнемань отличница, мон улень кочкаф Москву модемс минь республикань делегациять составозонза. Исяк минь делегациянъке ульсь примаф минь великай и родной Сталиноньконь и партиять и правительствать руководителензон мархта. Мон тоса корхтань. Содамок, што монь кулхшондсамазь Сталин, Молотов и лия роководительхне, мон пяк валновандань. Монь мялезель азомс сембень, мезевок аф юкстамс.

Мон азондонь эсь школаныконь колга. Минь тоса тонафнихть разнай национальностень лама шабат, и сембе синь эряихть счастливаста и дружнайста. Монь ялгане эняльдсть тейне азомс Сталин ялгати, што минь старандатама тонафнемс тяфта, штоба Сталин ялгати

улель кода мьярьгомс тейнекс: „Отлично, шабат.“ Вов тянь колга и мон корхтань эсь выступлениясон. Мзярда мон аделайне, нежедсь тейне Сталин ялгась и максозе тейне кяденц.

Тя шить мон мзярдонга аф юкстаса. Перерывонь пиньгста нежедсь тейне Берия ялгась и мьярьгсь, што монь терьнесаман эсь квартиразонза Сталин ялгась. Минь саме. Квартираса миньдоднок башка ульсь Молотов, Ворошилов, Орджоникидзе, Каганович и Микоян ялгатьне. Сталин ялгась знакомондсамань монь эсь стирьнянц Светлана мархта. Минь сонь мархтонза пяк дружнайста корхнеме. Сон тяфта жа отличница.

Светланась няфнезень тейне эсь налхшонзон, интереснай китайской паровоскя, корхтась, што сон кельгсь кукласа налхксеманц. Мзярда минь прошандакшнеме, Светлана эняльдсь тейне штоба Тифлису самск мон азолень кельгома паравал сонь бабушканьцы.

АНОКЛАИХТЬ КАДРАТ РККА-ТИ

Цебярьста анокласазь допризывникнень Якстерь армияв Ичалкань районца Гуляевской вельсоветса. Тоса сембе допризывникне фатяфт сьормас аф содама и сьормес кржа содама шинь машфтомаса тонафнема. Мартть васеньце шинь самс сембе сьормас аф содайхне йотафть сьормас кржа содайхне группас, а сьормас кржа содайхне тонафнихть аккуратнайста повышенной программань коряс.

Гуляевской вольсоветсь и „Культура“ колхозть правленияц путсь эсь инголест задача анокламс кандидат войсковой школыньненьди.

Общеобразовательнай анокламада башка допризывникнень мархта систематически йотафневи производстваста апак тушендт, военно-политической аноклама. Якстерь армияста саф младшай командирсь Кузнецов ялгась сатсь, цебярь показательхть аф аныцек строевой анокламаса но и допризывникнень мархта военной техникань тонадомаса.

Кепотьксоньди, сембе допризыв-

никне на „хорошо“ тонадозь винтовкаты, противогазть материальной частьсон. Систематически йотафнихть противогазса якамат и ст. тов.

Мартть 15-це шистонза Гуляевань допризывникне стройса противогазса састь районнай центрав эсь военно-технической аноклаф шиснон и хозяйственно-политической кампаниянень эса алашатьнень мельга якамаса и тундань видемати анокламаса эсь участияснон няфема.

Маршрутсь Гуляеваста—Кемля станцияти модемс йотаф противогазса 1 частста 10 минутста планонь коряс 1 част 30 минутатнень вастс.

Цебярьста васьфтезь районнай организацинень допризывниконь командат, а инь цебярь ударникнень И. Е. Маркеловть и А. М. Маркеловть казезь ценнай подаркаса. Гуляеваса видекс аноклайхть кад рат Якстерь армияти.

Озеров.

Образцовый литературный кабинет

Саранскаень пединститутонь дирекциясь и кялень и литературань факультетть декан оц тийсь оюю работа сян инкса, штоба максомс возможность студентненьди культурнайста самостоя ельна работамс и сяконь мархта кеподемс студентнень успеваемостьсон.

Тянь инкса пединститутса тяни паньф литературнай и кялень кабинет, конац пяк цебярьста, уютнайста и красочнайста урядаф; кабинетсь сатомшка обеспечендаф эрвикс литератураса. Кабинетсь эрь шиня 4 частста сьавомк и 9 часттнень самс паньжада, а тонафнемань пиньгть кабинетсь кемокс-неви ся группать мельга, конац тонафни самостоятельна. Кабинетсь чистай, валда и эсонза сембе условиянень, штоба тонафнемс отличнайста.

Н. Сильный.

СЪОРМА РЕДАКЦИЯВ

Мон комсомолестан, работан учителькс Вертелимонь школы, Шайговань районца. Комсомольской документоне (личной карточказе) ащихть Слобдань ВЛКСМ-нь райкомса.

Штоба сьавомс синь тоста, мон Слобдань райкомти кучень колма заявленияц, но аф личной карточка, аф ответ тяниень пингс ашень получа.

Эсь сьормазень вельде эняльдан, штоба лездоль редакциясь получамс личной карточказень, и тутомс пе кагодонь волокитати, конань няемок пяк кельксы Слобдань райкомсь.

Ф. М. Шумкин.

Редакция эзда. Няемок, Слобдань райкомса улихть ломатть, конат кельгс азь, штоба теест кучельхть сьормат эняльдемань и оюю поклон мархта, и нльня аф фкя сьорма, а нилешка—ветешка фкя тевть колга. Редакциясь анай Слобдань райкомть секретаренц Захаров ялгать ширьде срочнай ответ сян колга, кодама причина синь кошарьсьне вьатемс тяшна волокита Шумкин комсомолецть карточкац колга.

Осоавиахимонь организациясь работай аф калдывста

Саранск. Рабфакса Осоавиахимонь организациясь работай аф калдывста (руководительс Улисов ялгась).

ОСО-нь четтне регулярнайста панихть членской взност. Тя организацияса цебярьста работайхть кружокне: планернайсь, парашютнайсь, химическойсь стрелковайсь и топографическойсь.

Химической кружоксь аноклась ни ПВХО-нь 50 значкистт, маластонь пингть кармаихть макссема нормат ПВХО-нь значекс ниньге 50 ломатть.

Погодина.
Максимова.

ПРИЗЫВТИ АФ АНОКЛАИХТЬ

Рыбкинань районнай организацинень калдывста аноклайхть РККА-нь призывти.

Сьормас аф содай и сьормас кржа содай допризывникне тя пингс апак фатякт тонафнема. Военнай инспекторсь Орлов целай шинь кати коза юмси, бта якай велева и ладси призывной работать эса, а тевса мезевок аф тиеньди, аныцек райисполкомонь председателть и Слобдань райвое-коматть васькаф несыне, бта допризывникнень мархта работась ладяф цебярьста. Трахомаса сяряди допризывникне тя пиньгс апак фатякт пчкафтомаса.

Райисполкомонь президиумти эрви сяда курок ладямс призывной работась.

О.

Отв. редакторсь Ф. С. РУСЬКИН

Уполномоченный главлито № 452. Заказ № 1256. Тираж 2480.

Саранск типография „Красный Октябрь“ Мордгиза